

## INFORMACIJA

### O STANJU NA PODRUČJU KANTONA SARAJEVO UZROKOVANO POPLAVAMA U 13:30 SATI

Zbog obilnih padavina u toku noći 13/14.5.2014. godine došlo je do porasta vodostaja rijeka Bosne, Miljacke, Željeznice, Dobrinje, Zujevine i Tilave, te njihovih manjih pritoka (potoka), kao i pojava bujućnih, oborinskih i podzemnih voda usljed čega je na području Kantona povećana opasnost od poplava, posebno u općinama Novi Grad i Ilidža.

Kantonalna uprava civilne zaštite je odmah po pojavi tendencije rasta vodostaja preko Kantonalnog operativnog centra obavijestila sve općinske službe civilne zaštite da prate situaciju na teritoriji svoje općine i da poduzmu adekvatne mjere, kao i da redovno dostavljaju sve informacije sa terena Kantonalnoj upravi civilne zaštite. U pripravnost su stavljeni pripadnici PVJ Kantona Sarajevo i šest DVD, te su pripremljene prostorije za smještaj eventualno evakuisanog stanovništva.

Direktor Kantonalne uprave civilne zaštite je u jutarnjim satima sa saradnicima izašao na područje općina Ilidža i Novi Grad koja su ugrožena od poplava kako bi koordinirali aktivnosti na poduzimanju mjera zaštite i spašavanja ljudi i materijalnih dobara.

Prema podacima dobivenim od Federalnog meteorološkog zavoda – Sektora hidrologije visina vodostaja na rijekama na području Kantona na kojem se vrše mjerenja imaju tendenciju rasta, tako da danas u 11:53 sati visina vodostaja na rijeci Bosni imjerno mjesto Reljevo iznosi 410 cm, dok je na rijeci Miljacka mjerno mjesto Ćumurija iznosi 244 cmi.

Prema dobivenim informacijama od općinskih centara civilne zaštite, kao i od drugih subjekata iz osmatračke mreže stanje na području Kantona Sarajevo uzrokovano kišnim padavinama u 13:30 sati je slijedeće:

#### **Općina Stari Grad**

Rijeka Moščanica se izlila iz korita, nema ugroženih objekata, OpSI CZ angažovala DVD Vratnik na punjenju vreća sa pijeskom, oko 100 vreća će se preventivno postaviti kod „Inat kuće“.

#### **Općina Centar**

Klizišta koja su se aktivirala u jutarnjim satima u Nahorevu i Grdonju stavljena su pod kontrolu.

#### **Općina Novo Sarajevo**

Na klizištu Baždarevo (Gornji Pofalići) došlo je do začepljenja drenažnog sistema klizišta i izlivanja podzemnih voda. Angažovana je firma za hitne intervencije i jedno vozilo KJKP ViK koje još uvijek vrše pročepljavanje odvoda. Podrumske prostorije doma zdravlja Novo Sarajevo su poplavljene.

## **Općina Novi Grad**

Lepenički potok se izlio jedna kuća je ugrožena te je poplavljeno poljoprivredno dobro. Ekipe OpSI CZ Novi Grad su na terenu i prate situaciju i poduzimale neophodne mjere zaštite.

## **Općina Ilidža**

Prema informacijama dobijenim od općinske službe civilne zaštite Ilidža, stanje na području ove općine Ilidža je sljedeće:

- a) Područje zahvaćeno poplavom: područje općine Ilidža – MZ Rakovica – Rakovička cesta, MZ Blažuj – Vlakovo, Plantaže, Stara pruga, MZ Osjek – ulice Karamušići, Rate Dugonjića, Bratunačka cesta i Hendekuša, MZ Otes – ulice Senada Fazlića, Mlinište, Čitlučka i Trg Oteškog bataljona, MZ Stup – ulice Začardak i Uglješe Uzelca.
  - Poplavom je zahvaćena velika površina i trenutno se ne može iskazati koliko je to m<sup>2</sup>.
  - U ulici Senada Fazlića poplavljeno je 40-ak kuća, ulica Mlinište i Čitlučka 20 kuća, Karamušići 20 kuća, Rate Dugonjića 7 kuća, Bratunačka cesta 8 kuća, Hendekuša 7 kuća, pilana "Hulio", u ulicama Rakovička cesta, Plantaže, Stara pruga oko 50 kuća.
  - Broj infrastrukturnih objekata zahvaćenih poplavom: novi most na ulazu u Rakovicu, pješački most na rijeci Zujevini kod ulice Karamušići, most na rijeci Dobrinji naselje Stup.
  - Poplavljena putna komunikacija prema groblju Vlakovo u dužini od 1 200 metara, putna komunikacija kod poljoprivrednog dobra između naselja Osijek i Doglodi u dužini od 300 metara.
- b) Nema podataka o oštećenjima izazvanih poplavom.
- c) Nije bilo povrijeđenih, nestalih niti smrtno stradalih.
- d) Zahtjeva za evakuaciju ljudi, stoke i materijalnih dobara nije bilo.
- e) Materijalna šteta još nije utvrđena.
- f) Vodostaji na rijekama Bosna, Željeznica, Zujevina, Kasindolski potok, Dobrinja, Rakovički potok su i dalje vrlo visoki, a negdje je došlo i do izlivanja te su preduzete redovne mjere odbrane od poplave.
- g) U cilju ublažavanja/sanacije posljedica poplave angažovana je Služba civilne zaštite općine Ilidža, služba zaštite i spašavanja organizovana u firmi "BOSMAN" d.o.o. sa mehanizacijom, služba zaštite i spašavanja koja je organizovana u VD "Kenan Slinić", u toku je angažovanje povjerenika CZ u mjesnim zajednicama koje su pogođene poplavom. Radi se na pravljenju nasipa i pročepljavanju prolaza ispod mostova. Izvršena je dostava vreća sa pijeskom na više lokacija i podijeljena građanima koji se sami organizuju.
- h) Upućen je zahtjev Federalnoj upravi CZ za nabavku i dostavljanje gumenih čizama 100 kom, vreća za pijesak 2000 kom i agregat srednje snage 2 kom.

## **Općina Hadžići**

Usljed obilnih padavina došlo je do izlivanja potoka i bujičnih voda, te klizanja i odrona zemljišta na slijedećim lokacijama:

- izlivanje vode na saobraćajnicu Hadžići-Igman u Igmanskoj ulici u Hadžićima,
- izlivanje vode na putu Hadžići-Drozgometva u naselju Vrančići (propust kod raskršća) za Vrančiće,
- izlivanje vode na lokalni put u naselju Grivići,
- izlivanje vode u naselju Binježevo (potok Molotina) ugroženo više kuća i pratećih objekata,
- izlivanje vode na magistralni put M17 kod Kaparola u Binježevo br. 1.,
- izlivanje vode iz korita u Drozgometvi naselje Luka,
- izlivanja vode oko više stambenih objekata u naselju Resnik,
- plavljenja djela pogona u TRZ Hadžići,
- plavljenja podrumskih prostorija u jednom stambenom objektu u ul. Donji Hadžići br. 69.,
- izlivanje kanalizacije u naselju Miševići kod skladišta MUP-a, poplavljeno nekoliko pratećih objekata,
- klizanje zemljišta u naselju Binježevo-Potkraj, ugrožena jedna kuća,
- klizanja tla ul. Miševići do br. 56. (ulaz kod Kerametala), ugrožene tri kuće,
- klizanja tla (odron dijela puta) na lokalnom putu Hadžići-Košćan,
- odron škarpe na putu u Drozgometvi - Selimovići (kod Petitora).

## **Općina Vogošća**

U MZ: Kobilja Glava, Hotonj, Vogošća I, Vogošća II, Blagovac, Svrake i Semozovac uslijed obilnih padavina došlo je izlivanja vode na putne komunikacije i u podrumске prostorije, kao i manjih odrona, dok je u MZ Gora došlo do ugrožavanja nekoliko kuća i pomoćnih objekata.

## **Općina Ilijaš**

- Podzemne vode u S. Ilijašu kod BH diskoteke ugrožavaju jednu kuću, angažovana mašina na kopanju odvodnog kanala,
- U D. Bioči došlo do klizanja terena i odrona zemlje na put, angažovana mašina na raščišćavanju putne komunikacije,
- Rijeka Ljubina se izlila iz korita, nema ugroženih objekata.

## **Općina Trnovo**

Nema porasta vodostaja na brani Bogatići niti potrebe za dizanjem klapne na brani. Na M18 Sarajevo-Foča u blizini brane Bogatići oštećenje kolovoza (zabranjen saobraćaj vozilima preko 3 tone), U selu Gračanici rijeka Krsinja se izlila na kolovoz (oko 30 cm). Trenutno nema opasnosti od izlivanja rijeke Željeznice i Rakitnice iz korita.

Treba reći, da su na terenu i dalje angažovane ekipe Kantonalne uprave civilne zaštite i općinskih službi civilne zaštite, te pripadnici PVJ Kantona Sarajevo i pripadnici DVD.